

中西淡淵

堀田恒山

中村厚齋

中村習齋

卷之下

儒林

秦峨眉

秦滄浪

木村蓬来

宮崎筠圃

津金鷗洲

細井平洲

南宮大湫

南宮龍湫

人見璣邑

宮澤欽齋

岡田新川

恩田蕙樓

磯谷滄洲

石川香山

石川魯菴

松永德榮

清水丈山

冢田大峯

樋口信夫

川村乾堂

奥田鶯谷

永井星渚

佐佐木嘯堂

鈴木離屋

神野菊叢

松田棣園

甲斐岷谷

丹羽盤桓

林南涯

尾張名家誌初編卷之上

後學
細野忠陳子高
著

儒林

堀正意字敬夫號杏菴又杏隱通稱與十郎。祖定澄。伊任

豆守近江野洲郡野村城主也。永祿乙丑戰死ス于北白川。

之役。父德印幼為僧。後學醫。有名于時。杏菴生七歲。從

父入京十歲習句讀於南禪寺後師事藤原惺窩名博肅

學篤行。與林羅山名忠松永尺五名遐那波活所名方有二四

天王之稱。為人遜順寡言。衆皆指為長者。慶長丁未安。

藝侯名辛長淺野氏任紀伊守聘召賜秩祿侯卒仕嗣君名長晟任但馬守甲寅冬從大坂之役。敬公聞其名請於安藝侯而辟之。元和壬戌始仕本府。爾後從駕西東者數回。寵遇最渥。公抵江戶及發江戶之日。杏菴必與長臣謁幕府。有衣服之賜。寬永丙子朝鮮使來聘。杏菴承命筆語使人見其文。大嘆賞目。以文苑老將。壬午春奉幕府命入弘文院。與諸家系圖傳編纂之事。又別撰武家系圖若干卷。此歲十一月二十日病歿于江戶。享年五十八。葬于芝金地院所著有甲申鬪記朝鮮征伐記東行日錄歸尾紀行中山日錄等行于世。杏菴要茅原田氏生二子

伯正英號立菴又點桃軒通稱士大夫仕安藝侯季貞高號忘齋通稱勘兵衛為杏菴嗣仕本府子孫世祿立菴有二子曰玄達曰正朴玄達生景山名正超字君燕正朴娶木下順菴女生南湖名正順字身之又號習齋皆有名

陳元贊字義都號既白又有菊秀軒芝山升菴等號明國虎林人崇禎中進士下第後避亂投化遂應辟抵尾張或入京又如江戶與諸名士交萬治二年於府下與僧元政名日始相識契分尤厚其所唱和彙曰元元唱和集行于世元贊通百技書學趙文敏而有一種風致殊善拳法正保中於江戶西久保國正寺授徒此方有斯技自元贊始云寬文辛亥六月九日歿享年八十五

葬于德興山建中寺。所著有老子通考。

並河健字德脩號魯山通稱自晦居號釣耕軒父芳菴以醫

仕本府兄曰意卜通稱芳菴繼其業為法眼魯山自幼銳志

儒學受業于堀杏菴博涉經史確信濂洛之說精易及

太極說亦善醫其名翹翹一時與陳元贊唱酬壯歲召

為儒官其說書摘要領於言表不必拘末義深愜公

意日夜侍側眷顧甚渥寶永庚寅十一月二十九日歿

享年八十二終身不娶無嗣墓在三河寺部守綱寺

深田得和字正室以字行號圓空犬山城主石川光吉

傳備前守孫居于美濃加茂郡深田村因氏焉為人剛毅穎

敏入京受學于堀杏菴兼精天文地理寬永辛未獻所

著萬國全圖及所製準天儀於敬公公特鑒賞更

獻之幕府遂承命與堀杏菴如江戸幕府召見

褒之賜黃金丙子七月初仕本府為儒官而猶家于京

有公事則往來武尾以服職嘗精思製自鳴鐘亦獻之

公世目此曰正室時計鐘世俗稱自鳴又得織唐織錦

及縐絹方傳之西陣名地織工織工至今鬻此二物為上

品實受圓空之賜云寬文癸卯四月十七日歿葬于城

南德林寺

深田正清字晉甫號明峯通稱宗信後改正室圓空子幼承

家學。又善天學。寬文乙巳七月獻所著璿璣玉衡圖於

瑞龍公。公又獻之。幕府加賜俸米以賞其善繼。

家學。寶永丁亥特賜采邑。此歲十月二十四日歿于京。享年六十九。葬于淨福寺中寶林院。

深田正倫字彝卿號慎齋。通稱清藏。後改宗信。近江人。

永原佐平次子。受學于明峯。明峯愛其淑質。養為嗣。寶永丁亥冬襲祿為儒官。享保辛亥加賜采地。元文丁巳

十月十二日歿。享年五十五。葬于城南性高院。

深田正純字美之號厚齋。通稱佐市。慎齋長子。受業于

松岡恕菴。章。為人謹厚安詳。燕居嚴正。行止有常。飲

酒克溫。元文己未襲祿為儒官。擢近侍兼伴讀。數得賞

賜。天明癸卯年七十。公及世子賜之和歌。世以為

榮。甲辰四月晦日歿。享年七十一。葬于先塋側。

深田正益字子謙號九臯。通稱彥九郎。慎齋次子。厚齋

無子。養九臯為嗣。幼受家學。既襲祿。歷諸職。為用人所

任。皆有能名。為人聰敏。寬洪有識。材足專對。深了世故。

不以得喪欣戚。涉經史。能詩文和歌。燕居則彈琵琶。演

平曲。聽者忘倦。當時士論以九臯為第一流。享和壬戌

七月十三日歿。享年六十七。葬于先塋側。所著有惺惺

齋漫錄。日抄。戲言等。

小出立庭字不見號永安一作永菴通稱內記居號新幼而

穎悟入京受業于熊谷活名節立學成召為儒官後復

遊京又如江戸客于木下侯名利康任貞享甲子十月

二十七日歿于江戸所著有論語序說抄中庸和語抄

在尾張日承命撰城南靈岳院鐘銘其嗣子建碑城

南長榮寺

小出忠字道恕號蓬山又賔翁永安子或云永資性特

異幼受家學其業既成名聲藉甚梶井宮召為儒官後

辭而歸鄉以儒為業門人甚多元禄甲戌十二月十五

日歿葬于城南延廣寺

小出敬透字巖真號侗齋通稱治平某氏子幼而篤實

溫謹讀書不倦蓬山異之養為嗣後入京見淺見綱齋

名安學成歸家從游者盈門元文戊午六月二十二日

歿享年七十三葬于城南長榮寺所著有朝鮮畧說藏

于家

小出孝承號慎齋通稱周八居號求故舍種田氏子侗

齋養為嗣慎齋專信淺見氏說又好詩有晚唐風寶曆

己卯十月十三日歿享年三十九葬于先塋側所著有

木屑慎齋養子惟式號千之齋通稱務平深信慎齋說

清水仁字春流釣虛散人賣文翁皆其別號少讀濂洛

之書。後從黃檗木菴名性深究禪理。又精易學。善和歌。為人風流溫雅。居常愛詩酒。壯歲負笈於濃參之間。後入京。又去之難波。留九年。歸鄉。居亡幾如伊勢桑名。以教授為業。嘗著賣文翁傳。以擬陶淵明五柳先生傳。其畧云。我未有環堵之室。生涯如浮萍。身世似水雲。達達以其所居為家。委性命任去留。嗒焉忘人間得喪。迺其娛樂在於酒將詩。元祿年間人也。所著有周易或問。心詩百咏。釣虛詩集。儒家十牛圖。百絕詩草。釣虛弄筆續。徒然草。徒然草新註。法語。懺悔物語。三教同旨等行于世。

天野信景。號白華。通稱治部。藤內遠景之裔也。祖孝信始仕本府。父信幸。孝信次子也。起家為町奉行。以貞享甲子。歿。白華襲祿。正德乙未。為先手物頭。享保癸卯。以病辭職。庚戌。遂致仕。為人溫厚和平。博聞強記。最好宋學。傍暨稱官野乘。無所不窺。從游者。麇至。晚年信佛教。祝髮。自號信阿彌陀佛。爾後葛巾布服。不復食肉。寄蹤方外。優游自適。享保癸丑五月八日歿。享年七十三。葬于城南性高院。所著有鹽尻總計殆千卷今多散亡尾張國人物志。尾張古城志。參考尾張本國帳。尊命記。集說。神臂絕塵。家紋舊傳。伊勢參宮記。讀書範等。

沖野孝寬號南溟又大嶽通稱一郎左衛門本府世臣也資性剛直不拘細行傲然芥視權貴學無常師讀書一過便成誦尤長詩賦正德中坐事落職爾後謝絕賓客閉戶讀書家產屢空處之晏如也享保己亥六月歿享年三十六私謚曰文毅先生

須賀誼安號精齋居號鹿澤高通稱吉平次父曰洞水精齋幼而穎悟溫謹稍長從父受句讀既而師事小出侗齋不屑仕進其接物敦厚處事明決故人愛而畏之侗齋嘗曰我門得汝者天福我也比學成四方從游者日盛官賜月俸入仕籍延享中擢侍讀賜采地寵遇殊厚乃

從駕於江戶數矣其為門人講經甚莊敬如講論語必著禮服寶曆甲戌十月二十日歿享年六十七葬于城南長福寺所著有猫眼主一箴解昭穆圖解行于世須賀安貞號亮齋又玉澗通稱圖書初稱順次郎精齋子為人嚴恪不妄發言幼受濂洛學寶曆甲戌為侍讀祇役江戶居數月會父病乞暇歸省日夜侍湯藥衣不解帶遂丁憂哭泣盡禮除喪乃襲祿尋為儒官數加賜祿米文化甲子十月嬰疾猶以賦詩啜茗為樂十一月二十九日曉端坐正寢忽然逝享年八十一葬于先塋側木下實聞字公達號蘭皋又玉壺山人通稱字左衛門

其系出自豐臣氏。世仕本府。蘭臯天性穎脫。少為近侍。祇役江戸。受業于荻生徂徠。名雙又從岡島冠山。名璞學華音。名聲大振。享保己亥朝鮮使過府下館。城南性高院。蘭臯承命偕朝比奈玄洲赴賓館接遇之。談以華言。使人大服其才。其所唱酬者。彙成編。題曰蓬島遺珠。行于世。寬延己己賜采邑於愛智郡中村。實豐臣太閤縣孤之地也。庚午年七十建壽碣於城南延廣寺。越二年寶曆壬申八月六日歿。享年七十二。所著有玉壺詩稿。壺中放吟。蘭臯子。厚覽。艸拾遺。虎溪記。

朝比奈文淵字。涵德。號玄洲。通稱甚左衛門。父某為本

府世臣。玄洲其次子也。起家為右筆。祇役江戸。師事荻生徂徠。尤長詩章。又善書。凡有衣帛新成者。則必先書而後附。漆匠享保己亥朝鮮使見其書。深嘆服。其所筆談唱和者。集曰客館瑣集。行于世。享保甲寅正月十二日歿。葬于城東乾德寺。終身不娶。無嗣家絕。

千村良重字。興臣。號夢澤。通稱勘平。致仕。稱潛夫。幼而為井出氏養子。後復本氏。為人溫潤平和。好揚人善。從遊小出侗齋。後為伏見邸奉行。在職數十年。未嘗有失焉。以文學著名。所著有蓬左詩歸。本府名士之詩經刊者極少。慮後世或泯滅。為上木以期不朽者。一曰防丘